

Script of Evening Gojri News Bulletin 20 July 2025 at 1700 Hrs

ایویننگ گو جری نیوز بلیٹن مورخہ 20 جو لائی 2025

یوہ آکا شوانی جموں ہے باغ علی طاہر تے عبد المجید تیں خبر سُنو۔ پہلاں خاص خاص خبر۔

*1۔ پہلک تیں شروع ہون آلا پا رلیمنٹ غا مون سون اجلاس تیں پہلاں اجلاس نانہ بہتر طریقہ سنگ چلان غی خاطر سرکار نے سیاسی جماعتاں تیں تعاون منگیو ہے۔

*2۔ وزیر اعظم نریندر مو دی بدھوار تیں برطانیہ تے مالدیوس غا دو مُلکی دورہ ور روانہ ہو رہیا ہیں۔

*3۔ لیفٹنٹ گورنر منوج سنہا نے جموں کشمیر تیں دہشت گردی غا خاتمہ بارے سرکار غا عظم نانہ دُہرایو ہے۔

*4۔ رام بن غا بسنیک رنجیت سنگھ نانہ نا نجر غا مقام تیں اغوا کیا جان تیں بعد اُن غا کُنہ غا افراد نے مدد غی اپیل کی ہے۔ وزیر اعلیٰ عمر عبداللہ نے اِس معاملہ ور مرکزی وزارت داخلہ غی مداخلت غی مانگ کی ہے۔

خبراں غی تفصیل نال پہلاں باغ علی طاہر۔

All Party Meet

پہلک تیں پا رلیمنٹ غا مون سون اجلاس شروع ہون تیں پہلاں سرکار نے آج کل جماعتی میٹنگ منعقد کی، تا نجبے پا رلیمنٹ غا دُواں ایواناں غی کا روائی بہتر طریقہ سنگ چلان نانہ یقینی بنایو جا سکے۔ اِس کُل جماعتی میٹنگ غے دوران سرکار نے تمام سیاسی جماعتاں تیں پا رلیمنٹ غی کا روائی خوش اسلوبی سنگ چلایا جان غی خاطر تعاون منگیو۔ مرکزی وزیر تے راجیہ سبھا مانہ ایوان غا لیڈر جگت پرکاش نڈا نے اِس میٹنگ غی صدارت کی۔ واضع رہے جے پہلک تیں پا رلیمنٹ غو مون سون اجلاس شروع ہو رہیو ہے، جھپڑو آئندہ اگست مہینہ غی 21 تاریخ توڑی جاری رہے گو۔ اِس اجلاس غے دوران دُواں ایواناں غی کُل ملا غے 21 نشستیں دیں گی۔ بعد مانہ میڈیا سنگ گل کرتاں واں پا رلیمانی معاملن غا وزیر کرن راجی جو نے دسیو۔ بائٹ۔

PM UK Maldives Visit

وزیر اعظم نریندر مو دی آئندہ بُدھار تیں برطانیہ تے مالدیوس کا دو مُلکی دورہ ور روانہ ہو رہیا ہیں۔ وزیر اعظم 23 تیں 24 جو لائی نانہ برطانیہ غا اپنا دورہ غے دوران اپنا برطانوی ہم منصب کیر سٹارمر غی دعوت ور اُن سنگ ملاقات کریں گا۔ وزیر اعظم غی

کینگ چارلس سنگ وی ملاقات غی اُمید ہے۔ اپنا دورہ غے دوجا مرحلہ مانہ وزیر اعظم نانہ مالدیوس گا صدر ڈاکٹر محمد موئی ٹو نے مالیوس غا دورہ غی دعوت دتی ہے۔

Dir Horticulture

ڈائریکٹر محکمہ باغبانی جموں گل سعید نے برسات مانہ بوٹا لان غی مہم غو آغاز کرتاں واں ضلع کٹھوعہ مانہ بلاک ببرہ نگر غا پتھوال گراں مانہ اک کسان غا کھیت مانہ بوٹو لایو۔ جس نے باغبانی شعبہ نانہ اپنان غو فیصلو کیو ہے۔ اس موقع ور کساناں سنگ گل کرتاں واں ڈائریکٹر موصوف نے علاقہ مانہ زیادہ پھل دین آلا سٹرس پھل یعنی نمبو، سنترہ، کینو وغیرہ غا بوٹا، لیچی تے ڈریگن قسماں گا پھل دار بوٹا لان غی ضرورت ور زور پایو۔ اُن غو کہنو تھو جے سرکار اس سلسلہ مانہ کساناں نانہ تمام تر سہولت مہیا کرا رہی تے ایسی مرکزی تے یوٹی غی سکیمیاں غو پورو پورو فائڈو حاصل کرن غی لوڑ ہے۔ اس موقع ور بولتاں واں ڈائریکٹر باغبانی جموں گل سعید تے اک باغبان بوئی لعل نے اس راہ اپنا تاثرات ظاہر کیا۔ با۔ٹ۔۔

National Anthem Competition

یوم آزادی غی تقریبات منایا جان غا سلسلہ مانہ کی جا رہی تیا ریاں غے تحت اطلاعات تے عوامی تعلقات غا محکمہ ڈی آئی پی آر نے قومی ترانہ گایا جان غا مقابلہ سال 2025 غا انعقاد غو اعلان کیو ہے۔ اس مقابلہ مانہ شہریاں نانہ شرکت غی دعوت دتی گئی ہے، تانجے وے قومی ترانو گا غے اپنی حُب الوطنی غو اظہار کر سکیں۔ یوہ مقابلو آج یعنی 20 جولائی تیں شروع ہو غے آئیندہ 10 اگست توڑی جاری رہ گو۔ اس مقابلہ مانہ شرکت غی کہٹوں کہٹ عمر 13 سال رکھی گئی ہے۔ اس مقابلہ مانہ چتن آلا شخص نانہ 10 ہزار روپیاں غی نقد رقم جد کہ دوجا تے تیجا مقام ور رہن آلاں نانہ بالترتیب 7 ہزار 5 سو تے 5 ہزار روپیاں غی نقد رقم انعام دتی جائیگی۔

Bal Purskar

بھارت سرکار نے 5 بہراں تیں 18 بہراں غی عمر غا بچاں واسطے پر دھان منتری راشٹریہ بال پُرسکار 2025 غی خاطر نامزدگی مدعو کی ہیں۔ اگر تم بہادری، سماجی خدمت، ماحولیات، کھیل، فن تے ثقافت یاہ سائنس تے ٹیکنالوجی مانہ کامیابی حاصل کرن آلا نوجواناں بارے جانکاری رکھیں تاں ایوارڈ ڈاٹ گو ور اُن نانہ نامزد کر سکیں تے یہ نامزدگیں 31 جولائی 2025 توڑی کی جاسکیں۔

مزید خبراں نال عبدالمجیدورپہلاں یوہ پیغام۔(یہ خبر تم آکاشوانی جموں تیں سُن رہیا ہیں، تے یہ خبر مہاری ویب سائٹ نیوز آن اُئیر ڈاٹ گو ڈاٹ ان ور وی دستیاب ہیں، اس تیں (یہ خبر مہاری موبائل ایپ تے ڈی ٹی ایچ ور وی دستیاب ہیں)

LG Cycle Race

جموں کشمیر تیں دہشت گردی نانہ اُکھاڑ پھینکن غا سرکار غا غیر متزلزل وعدہ نانہ دُہراتاں واں لیفٹنٹ گورنر منوج سنہا نے آج کہیو ہے جے سرکار اُمن خریدن غی نہیں بلکہ علاقہ مانہ پائیدار تے انصاف ور مبنی اُمن قائم کرن غی کوشش کر رہی ہے۔ اُنہاں نے پھر زور دیتاں واں کہیو ہے جے جت بے قصور نانہ چُھویو وی نہیں جائیگو

اُتے قصورواراں نانہہ وی بخشو نہیں جا ئیگو۔ جموں کشمیر پولیس غی سرینگر مانہہ اک سائل دوڑ غا سلسلہ مانہہ منعقدہ اک تقریب مانہہ بولتاں واں لیفتنٹ گو رنر غو کہنو تھو جے جموں کشمیر پولیس غو دہشت گردی غا ڈھانچہ نانہہ مسمار کرن مانہہ گلیدی کردار ربیو ہے۔ اُنہاں نے کہیو جے نہ چھڑا دہشت گرداں غے خلاف بلکہ اُن نانہہ پناہ دین آلا تمام ٹانچہ غے خلاف کا روائی کیا جان غی لوڑ ہے۔ اس موقع ور بولتاں واں لیفتنٹ گو رنر نے کہیو۔ بائٹ۔۔

Abducted

ضلع رام بن غا بسنیک رنجیت سنگھ غا خاندان نے سرکار تیں اُن غا پوت نانہہ واپس لیان مانہہ مدد طلب کی ہے۔ یاد رہ جے رنجیت سنگھ نا اُجر دوسو علاقہ غی اک تعمیر غا مقام ور کم کر ربیو تھو تے 15 جولائی نانہہ نامعلوم بندوق برداراں نے اس مقام ور 2 بھارتیاں نانہہ ہلاک کر غے رنجیت سنگھ نانہہ اغوا کر لیو تھو۔ رنجیت سنگھ غا والد موہن لال سین نے بھارت سرکار تیں اپیل کی ہے جے واہ اُن غا پوت غی رہائی نانہہ یقینی بنان واسطے فوری کارروائی کرے۔ وزیر اعلیٰ عمر عبداللہ نے رنجیت سنگھ غا اغوا کیا جان ور فکر مندی غو اظہار کیو ہے۔ وزیر اعلیٰ نے خارجہ امور غا وزیر ڈاکٹر ایس جے شنکر نانہہ کہیو ہے جے وے رنجیت غی باحفاظت تے تولاں رہائی نانہہ یقینی بنان غا سلسلہ مانہہ فوری مداخلت کریں۔ اس بارے مزید جانکاری دیتاں واں ایم ایل اے بانہال سجاد شاہین نے اس طرح کہیو۔ بائٹ۔۔

Plantation Drive

آروگیا بھارتی غا سانہہ یونٹ نے رام گڑھ سرحدی علاقہ غا 2 معروف مذہبی مقامات بابا سیدھ گوریا ناتھ مندر سوانکھا تے بابا چملیال مانہہ بوٹا لان غی اک مہم چلائی ہے۔ اس مہم نانہہ آروگیا بھارتی سانہہ یونٹ غا سربراہ ڈاکٹر چندر موہن غی قیادت مانہہ چلايو گیو۔ بوٹا لان غی اس مہم غو آغاز آروگیا بھارتی جے اینڈ کے غا صدر ڈاکٹر یشپال شرما غی موجودگی مانہہ کیو گیو۔ جنہاں نے سماج ور زور پایو جے وہ بوٹا لان غی اس مہم مانہہ اپنو کردار آدا کرے۔ اس موقع ور بولتاں واں اُنہاں نے کہیو۔ بائٹ۔۔

HADP Kishtwar

جموں کشمیر مانہہ مجموعی ذرعی ترقی پروگرام غے تحت کی جان آلی پائیدار زرعی سرگرمیاں غے ذریعے گرئیں لوکاں نانہہ باختیار بنان غا مقصد سنگ کشتواڑ غا رلتھال گراں غا کساناں نے خاطر خواہ کامیابی حاصل کی ہے۔ کلسٹر ہیڈ غلام نبی وانی غی قیادت مانہہ 50 کساناں غی طرفوں 15 جونٹل نامیاتی تھوم غی پیداوار حاصل کی گئی ہے۔ تھوم غی یاہ پیداوار چھڑی اک ہیکٹر رقبہ تیں حاصل کی گئی ہے۔ ان کساناں وچوں اکھاں غی روشنی تیں متاثرہ 2 کاشتکار غلام محمد تے عبدالرشید وی محکمہ زراعت غی امداد سنگ ہی روزگار حاصل کر رہیا ہیں۔ محکمہ زراعت غا شکر گزار ان کساناں نے اس پروگرام غی مجموعی تبدیلی غا اثر غی تعریف کی ہے۔ رلتھال گراں غی اگریکلچر ایکسٹنشن اسسٹنٹ رابیہ کوثر نے اس راہ اپنا تاثرات غو اظہار کیو۔ بائٹ۔۔

Boy Downed

ضلع پونچھ مانہ ساوجیاں غا چلا ستارین علاقہ مانہ اک نوجوان غا دریا مانہ رُڑ جان
غی وجہ نال موت ہو گئی ہے۔ پولیس ذریعہاں نے دسیو ہے جے یوہ نوجوان جس غی
بچہاں 21 بہراں غا آکاش دیپ سنگھ ولد گردیپ غے طور ہوئی ہے جیڑو سیر واسطے
گیو وہ تھو تے وہ حادثائی طور ور تلک غے دریا مانہ جاپیو تے اُس غی موت ہو
گئی۔

اس غے نال ہی خبراں غو یوہ بلیٹن ختم ہوئو